



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**


**[Claudio Lalano Sodali Svo I. B. Santolius V.]**

**Santeul, Jean de**

**[S.I.], 1670**

Pro Sancto Josepho. Hymnus.

**urn:nbn:de:hbz:466:1-13421**



PRO  
SANCTO JOSEPHO.

*Hymnus.*

**R**egum progenies, Isacidum decus,  
Festo te celebrent carmine conjuges,  
Certatimque ferant candida virginis  
Sponso lilia Virgini.

Tu JOSEPH E, novi lux nova fœderis,  
Tu custos sociæ Virginis integer,  
Tu sanctæ thalamo conjugis abstinentia  
Divinæ sobolis Pater.

Alto Progeniem quam bene creditam  
Servas consilio, depositum Dei.  
Tecum pervigiles cœlituum Pater  
Curas juraque dividit.

Artus invalidum sic puerum soves,  
Infantique Deo pabula sufficis,  
Et formata Dei te sine, de tuis  
Crescunt membra laboribus.

Sint qui mille tubis undique personent  
 Adventasse Deum , qui populos regat ;  
 Tu commissa premis non violabili  
 Quot secreta silentio !

Sit laus summa Patri , summaque Filio ;  
 Sit par alme tibi gloria Spiritus ,  
 Qui fœcunda facis viscera Virginis  
 Illabens utero Deus.

\*\*\*\*\*

P R O E O D E M

*Hymnus alter.*

M Atris intactæ venerande Conjux ,  
 Testis & custos nivei pudoris ,  
 Quid Deo plenam meditaris anceps  
 Linquere sponsam ?

Anxium pectus monitor supernus  
 Firmat , hinc Virgo tibi visa major :  
 Mente sedata modo nasciturum  
 Numen adoras.